

ახალი

სიტყვა

№ 10.

ორკვირეული ჟურნალი.

№ 10.

შემდეგი № გამოვა 15 აგვისტოს.

მიიღება ხელის მოწერა სასულიერო მთავრობისაგან დამოუკიდებელ ორკვირულ ჟურნალ „ახალ სიტყვაზე.“ ჟურნალის მიზანია ჩვენის ეკლესიის ცხოვრების განახლება წმ. სახარების ნიადაგზე და ბრძოლა უსამართლობასთან და ფარისევლობასთან სასულიერო უწყებაში.

ხელის მოწერის ფასი ნახევარის წლით ცხრა მანეთია. ცალკე ნომერი ოთხი აბაზი. რედაქცია სთხოვს სამრევლო საბჭოებს,

შეგნებულ სასულიერო და საერო მორწმუნე პირთ დახმარება აღმოუჩინონ მას ჟურნალის გამოწერით და ერთ ღროული შემოწირულობით სარედაქციო ფონდისათვის.

ფული მიიღება რედაქციის მოლარე მღ. ისააკ ჩეკურაშვილთან: ტფილისი, ანჩ-ს ხატის ქუჩა, სახ. № 1.

სარედაქციო მასალები და წერილები უნდა გამოიგზავნოს სარედაქციო კოლლეგიის რწმუნებულ მღ. ქრ. ციციშვილთან: ტფილისი, კაბგეროვის ქუჩა, № 47. რედაქცია იმავე ქუჩაზე: № 51.

რესპუბლიკა ზ ჩვენი ეკლესია.

5.

(დასასრული *)

მწყობრ წესრიგს და მეთემატიკურად გამორკვეულ ქონებრივ პირობათა მხრივ განსაკუთრებით სახარბიელოა გერმანიის სამღვდელთა მდგომარეობა. იქ მღვდელმა არამტ თუ წლის დასაწყისის იცის, რა შემოსავლის იმედი უნდა ჰქონდეს წლის განმავლობაში,—სანამ ეკურთხება, უკვე გათვალისწინებული აქვს, როდის რამოდენი მიეცემა. როცა ჩვენის მღვდლის ცხოვრების წყარო სრულიად შემთხვევებზე და მრევლის ბედნიერება—უბედურებაზეა აგებული, გერ-

მანიის სამღვდელთა ეკონომიურ ცხოვრებაში ასეთ შემთხვევებს თითქმის არავითარი მნიშვნელობა არა აქვს. გარდა ბინისა, რომელსაც უსათუოდ უნდა ჰქონდეს ცალკე ეზო, ბაღი, საკუთარი აბანო, ბოსელი და და სხვანი, და გარდა ნება-ყოფლობითი შემოსავლისა, რომლის რაოდენობას საზღვრავს თვით სამრევლო იმისდა მიხედვით, თუ რამდენი მეკომურია სამრევლოში და რა შეძლებისა არიან ისინი, სამღვდელთა ძირითად ჯამაგირის, დამატებით ჯამაგირის და პენსიის სახით და სასულიერო უწყების სამზრუნველოდან ეძლევა წლიურად გადაწყვეტილი თანხა, რომელიც ყოველ სამ წლობით იზრდება. ამ კ სების სათავეში სდგას უმაღლეს სამოქალაქო მთავრობის მიერ დანიშნული გამგეობა ექვს ერის კატაგან და საბჭო, რომლის წევრებს, რიცხვით 55, ირჩევს სასუ-

*) იხ. „ახ. სიტყვა“ № 5, 6, 7 და 9.

ლიერო სინოდი. მღვდელს კურთხევის პირველსავე წელიწადს ეძლევა ამ კასებიდან წმინდა ჯამაგირი 2,400 მარკიდან 5,400 მარკამდე*), ჩვენებურად 1,184—2,46± მან. ეს განსხვავება დამოკიდებულია ადგილობრივ შემოსავლის რაოდენობიდან, ესე იგი ნაკლებ—შემოსავლიანს მეტ ჯამაგირი ეძლევა და პირიქით, დიდ შემოსავლიანს ნაკლები ჯამაგირი. ამ ჯამაგირს ყოველ სამ წელიწადში ერთხელ ემატება 100—500 მარკა. ასე რომ მღვდელს, რომელსაც 24 წელიწადი უმსახურია, ოცდა მეხუთე წელიწადს წმინდა ჯამაგირი აქვს 6,000 მარკა (2,820 მან.).

მცირედენ შეცვლა—განსხვავებით დაცულია ეს წესი ყველა იმ სახელმწიფოებში, სადაც ლიუტერის მოძღვრება გაბატონებული ან სადაც გერმანლების მონათესავე ერები ცხოვრობენ.

ეკლესიის სახელმწიფოსგან განცალკევების გადამავალ სახეს წარმოადგენს პატარა, მაგრამ მრავალფეროვანი შვეიცარია, სადაც 1874 წლის კონსტიტუციის ძალით სამღვდლოება ზოგიერთ ოლქებში (კანტონებში) ხაზინიდან იღებს მზამზარეულ ჯამაგირს, ზოგიერთგან კი ადგილობრივ წყაროებიდან. საერთოდ იქ, მღვდელმოქმედებათა სასყიდლის გარდა, მღვდელი იღებს წლიურად ჯამაგირის სახით 720—1080 მანეთსა.

იტალიაში და ესპანიაში 1835—1876 წლების კანონებით თითქოს დაიწყო ეკლესიის სახელმწიფოსგან გამოყოფა და პირველს მეორის სასარგებლოდ დიდძალი მამულები ჩამოართვეს, მაგრამ ამ აქტს მედგრად წინ აღუდგა მორწმუნე ერის ძლიერი ორგანიზაცია, რომელსაც მთავრობამ იძულებით დაუთმო. დღეს ორივეგან, მაღალ ნახრით ნაფარაუდევ შემოსავლის გარდა, ჯამაგირიც კი ეძლევა სამღვდლოებს—იტალიაში „კულტის ფონდიდან“ და ესპანიაში ხაზინიდან.

ეკლესიის და სახელმწიფოს განცალკევება მთელ დედამიწის ზურგზედ მხოლოდ ორგან არის ჯერხნობით განხორციელებული:

*) გერმანული მარკა ჩვენებურ 47 კაპ. უდრის.

ამერიკის შეერთებულ შტატებში და გეტში, მაგრამ სულ სხვადასხვა ნაირია ეკლესიის თავისუფლება მართლაც განათლებულ და გონიერად თავისუფალ ამერიკაში და მარად მღვდლვარე, მერყევ და ექსპანსიურ საფრანგეთში, სადაც ნამდვილ ევროპულ თავისუფალ მოაზრობასთან ერთად ყოველ ნაბიჯზე შეგხვდებათ ისეთი უხეში, პირველყოფილი ცრუმორწმუნოება, რომელიც რუსეთის მიყრუებულ სოფელს უფრო მოგაგონებთ, ვიდრე ვოლტერის და დიდ რევოლუციის სამშობლოს. როცა კითხულობთ ცნობილ ემილ ზოლას მოთხრობებს „ბარიზი“, „ლუვრი“ და „სიმართლეს“ და ეცნობით იმ საძაგლობას, რაც მოწინავე საფრანგეთში ხდება სარწმუნოების სახელით და „ღვთის დიდებისათვის“, თქვენს თვალწინ უზომოდ იზრდება კულტურული ზომიერება საქართველოში, სადაც ქრისტიანობას თექვსმეტ საუკუნის განმავლობაში ერთხელაც არ შეურყევია არც მორწმუნეთა და არც ურწმუნოთა სამოქალაქო ცხოვრება...

ამერიკის შეერთებულ შტატებში ეკლესია, როგორც ყველა სხვა კერძო დაწესებულებანი, სრულიად თავისუფალია, მაგრამ მისი სამღვდლოება იმდენად უზრუნველყოფილია ქონებრივად, რომ ეს ჩვენში ზღაპარი ეგონებათ. თვიური ბიუჯეტი ეპისკოპოსისა უდრის 12,000 დოლლარს*), მღვდელისა 600 დოლლარს. ეს იხსნება ორ გარემოებით: ამერიკელი ძლიერ მდიდარია და საერთოდ ძლიერ მორწმუნეც. იქ არ იციან ჩვენებური ცრუ სირცხვილი, აქაო და ქუჩაში პირჯვარი გადავიწერო, ან საყდარში ხშირად შევიდეთ, ან საეკლესიო საქმეებში მონაწილეობა მივიღო, გაუნათლებლობაში ჩამომართმევნო. მიუხედავად მრავალსართულიან თავისრფლებათა, მცხოვრებლების ერთი პროცენტი თუ სდგას სარწმუნოებრივ ორგანიზაციათა გარეშე. ამიტომაც არის, რომ ამერიკაში სახელმწიფო და ეკლესია თუმცა ერთ-

*) ამერიკული დოლლარი—1 მან. და 94 1/4 კაპ.



მანეთისგან ოფიციალურად გათიშულნი არიან, მაგრამ სახელმწიფო მაინც დიდ დახმარებას უწევს ეკლესიას, როგორც სასარგებლო დაწესებულებას, როგორ, მაგალითად, ჩვენში ქალაქის თვით-მმართველობა სამადლო სახლს, კერძო სასწავლებელს, სიმპატიურ საზოგადოებას და სხვათა. ზოგიერთი შტატები თვისი ავტონომიის უფლებით ათავისუფლებს საეკლესიო დაწესებულებათა კორპორაციებს სახაზინო და სათემო გადასახადებისგან. ზოგიერთ შტატებს ჯარისთვის და ფლოტისთვის დაქირავებული ყავთ მღვდლები და ჯამაგირს, რასაკვირველია, ხაზინიდან აძლევენ. საერთოდ კი ამერიკის შტატები სასულიერო წოდებას ხალხში ნებაყოფლობითი შემოწითულებათა მოგროვების ნებას აძლევენ—და ეს ზომა დიდძალ სიმდიდრეს აძლევს ეკლესიას. მაგალითად 1913 წელს ასეთი შემოწირულება იყო მარტო ეპისკოპალური აღსარების სამღვდლოების სასარგებლოდ 15,626,782 დოლლარი, ანუ ჩვენებურად ოცდა თერთმეტ მილიონ მანეთამდე.

სულ სხვახაირი სურათი ეკლესიის და სინდიკატის თავისუფლებისა გვეშლება თვალწინ საფრანგეთში, სადაც სოციალისტები გაბოროტებულნი არიან ძველად სულთამხუთავ და დღესაც საკმაოდ ძლიერ კლერიკალიზმის და კონგრეგაციების წინააღმდეგ. აქ მთავრობამ 1904 წელს ეკლესია ჩამოაშორა სახელმწიფოს. 1905 წელს კი, როცა ზოგიერთ დეპარტამენტებში (ოლქებში) ამერიკის შტატებისაგვარად განიზრახა ადგილობრივ წყაროებიდან მიეცა სამღვდლოებისთვის ჯამაგირისებური დახმარება, მთავრობამ მოახერხა, რომ ეს აეკრძალა პარლამენტს. 1907 წელს ჩამოერთვა ყოველნაირი უძრავი ქონება, საკრებულო სახლებიც კი, და ის თანხებიც, რაც სადმე საკრებულო დაწესებულებებში ინახებოდა ეკლესია-მონასტრების სახელობაზე.

მაგრამ ეს აქტი ძალადობა და უსამართლობა იყო და ეს ჭირი კათოლიკეთა ეკლესიისათვის მარგებელი აღმოჩნდა. მან სრულიად მოულოდნელად შეაკავშირა სხვადასხვა ქუჩის მორწმუნენი სოციალისტურ მთავრო-

ბის წინააღმდეგ. მოდუნებული ეკლესია უცებ გამოცოცხლდა, დარაზმა ძველი და ახალი მეგობრები და სოციალისტებს პოლიტიკურ—პარლამენტარული ბრძოლა გამოუცხადა, რასაც ეკლესიის სასარგებლოდ ძლიერ ხელი შეუწყო დღევანდელ მსოფლიო ომშიც. რითი გათავდება ეს გამწვავებული ურთიერთობა სამოქალაქო მთავრობის და ეკლესიისა, ძნელი სათქმელია. მაგრამ ეს რომ უბრალო უსიამოვნება არ არის და ადვილად არ მორჩება, სჩანს თუნდა იმ მრავალმნიშვნელოვან სიტყვებიდან, რომელიც ეორესის მოკვლისა გამო ითქვა საფრანგეთის პარლამენტში: „ერჩინა საფრანგეთს ეკლესიის ვასალი (მორჩილი) ყოფილიყო და ხელი არ ეხლო იმ შავ მუზარადიან პოლიტიკოსებისთვის*,) რომელნიც ჩვენს მანდილოსნებს თეთრი ანგელოზები ჰგონიათ“...

ასეთია საეკლესიო საკითხის მდგომარეობა იმ ქვეყნებში, რომელთა ერთ-ერთ მაგალითს მაინც აიღებს დამოუკიდებელ საქართველოს მთავრობა, თუ საბჭო. ამ დამოუკიდებლობის გამოცხადების დიდი ხნით აღრე ჩვენ გულწრფელი მომხმარე ვიყავით სახელმწიფოს და ეკლესიის განცალკევებისა და პრესაშიც ვაცხადებდით ამ სურვილს**), მაგრამ სრულიად უხერხულად და ნორჩ სახელმწიფოსთვის დიდად საზარალოდ მიგვაჩნია ეს განცალკევება დღეს, არსებულ პირობებში, ამ სულიერ განწყობილებაში. ამ აქტით თუ ვინმე წააგებს რასმე, წააგებს უპირველეს ყოვლისა ჩვენი ახალშობილი სახელმწიფო, რომელსაც ეკლესიის ჩამოშორება თუ საფრანგეთისებრ ახალ მტრებს არ შესძენს, ყოველ შემთხვევაში ბევრ ერთგულ მეგობარს და ერთობ საგრძნობ დამხმარე ძალას ჩამოაშორებს.

ამიტომ, ჩემის აზრით, ქართველ ერის ინტერესი მოითხოვს, რომ ჯერხნობით მაინც

*) ნაგულისხმევია წმ. ფრანცისკის ორდენის კათოლიკე ბერები.
 **) იხ. გაზ. „სახ. საქმე“ 1917 წლ. №№ 38 და 79.



დავიწყებას მიეცეს ის პროექტი სახელმწიფოს და ეკლესიის განშორებისა, რომელსაც, გაზეთების სიტყვით, მთავრობა ამზადებს.

დეკ. ილ. შუბლაძე.

მოსკოვისა და სრულიად რუსეთის პატრიარქ ტიხონისაგან გამოვსვნილი შეგონება ქართველ მღვდელმთავართა მიძახთ.

თავის სიკვდილის რამოდენიმე დღის წინ კათოლიკოსმა კირიონმა მიიღო მოსკოვის და სრულიად რუსეთის პატრიარქ ტიხონისაგან შეგონება (увѣщание), რომელშიაც იმპერიალისტულ რუსეთის სახელმწიფოს და ეკლესიის წარმომადგენელი—პატრიარქი ტიხონი ამტკიცებს, რომ თქვენ ქართველებმა უკანონობა ჩაიდინეთ, რადგან თქვენი ეკლესიის ავტოკეფალია რუსეთის ეკლესიის მმართველობის და კრების დაუკითხავად და ნებადაურთველად აღადგინეთო. მართალია, საერო მთავრობამ რუსეთისამ იცნო თქვენი ეკლესიის დამოუკიდებლობა, მაგრამ ეს მსოფლიო კრებების კანონების მიხედვით შეუწყნარებელიაო, რადგანაც ამა თუ იმ ეკლესიის დამოუკიდებლობის მიღება შეუძლია იმ ეკლესიისაგან, რომლის ნაწილსაც ის შეადგენსო, და საქართველოს ეკლესია ხომ ასზე მეტს წლის განმავლობაში შეადგენდა რუსეთის ეკლესიის განუყოფელ ნაწილსაო. თქვენმა ქვეყანამ თუნდაც სრული პოლიტიკური დამოუკიდებლობა მოიპოვოს, ეკლესიის საკითხი მაინც ამით არ შეიძლება გადაწყდესო. მაგალითებიც მოჰყავს პატრიარქ ტიხონს, საბერძნეთის და სერბიის ეკლესიებმა, თუმცა იგინი დამოუკიდებელ სახელმწიფოში არსებობდნენ, დამოუკიდებლობა თვისი თავისით კი არ დაიდგინეს, არამედ მიიღეს კონსტანტინეპოლის პატრიარქისაგან. ბულგარეთის ეკლესიამ კი პატრიარქის უნებურად გამოაცხადა თავის დამოუკიდებლობა და ამისათვის იგი შერაცხულ იქნა სხიზმადო (განდგომილად მართლმადიდებლობითგანაო). ამისათვისაო, განაგრძობს პატრიარქ ტიხონის შე-

გონება, თქვენ ამიერ კავკასიის მღვდელმთავრებს: კირიონს, ლეონიდს, პიროსს, ანტონს, დავითს და ამბროსის წინადადება გეძლევათ შეინანოთ თქვენი თვითნებური ქცევა და მიზართოთ ამიერ კავკასიის ეკლესიის საქმეების მოსაწესრიგებლად სრულიად რუსეთის ეკლესიის მმართველობას და კრებას და დაემორჩილოთ ნა-ს გადაწყვეტილებასა, თუ გინდათ, რომ თქვენცა და თქვენ ეკლესიასაც ავტოდესთ საშინელი სასჯელი, მსოფლიო ეკლესიის კანონების მიერ განჩინებული, ეგრეთ თვითნებობით განდგომილებისათვისაო. დასასრულ პატრიარქი ტიხონი მიუთითებს იმ გარემოებას, რომ რუსეთის სინოდის გამგეობის ქვეშ თქვენი ეკლესია აყვავდა და ამოდლდაო. ამას ბევრნი ამოწმებენ, და სხვაზე არს ნაკლებად თქვენც, კირიონ კათოლიკოსიო.

ასეთია მოკლედ შინაარსი მოსკოვის პატრიარქიდან მიღებულის შეგონებისა. რა გვეთქმის ამ დოკუმენტზე?—მისი შინაარსი ყოველად უსაბუთოა. საქართველოს ეკლესიას არაოდეს არ დაუკარგავს კანონიურად თვისი დამოუკიდებლობა. არც საქართველოს ეკლესიის კრებას, არც მსოფლიოსას არ უცვნია ჩვენის ეკლესიის დამოუკიდებლობის მოპოვა. მართალია გენერალ ტორმასოვის წარდგენილებით თვით არა კანონიერმა დაწესებულებამ—სინოდმა—გაუქმებულად სცნო საქართველოს ეკლესიის დამოუკიდებლობა, მაგრამ ამას არაფერი მნიშვნელობა არა აქვს. საყურადღებოა, პატრ. ტიხონის ეპისტოლეში არსად არ არის მოხსენებული „საქართველო“, „საქართველოს ეკლესია“; ამის ნაცვლად ნახმარია სიტყვები „ამიერ კავკასიის ეკლესია“, რაიცა დღემდის ხმარებაში არც სინოდს ჰქონებია.

ჩვენის აზრით რუსეთის ეკლესიის პატრიარქს უნდა გაეგზავნოს ღირსეული პასუხი, რომლითაც დარღვეულ უნდა იქნეს მიღებულ შეგონების შინაარსი და ეცნობოს, რომ რუსთა ეკლესიამ ახლა მაინც აიღოს ხელი უსაბუთო, უკანონო და უიმედო სურვილზე საქართველოს ეკლესიის კვლავ თავ-



ქართული
საბჭოთაო
დემოკრატიული
რევოლუციური
პარტია

ვისდა დამორჩილებისათვის; ეცნობოს, რომ საქართველოს დამოუკიდებელ ეკკლესიას ჰსურს ძმური კავშირი და ურთიერთობა იქონიოს რუსეთის ეკკლესიასთან, რომელმაც ამისათვის ხელი უნდა აიღოს, მსოფლიო კრებათა კანონების თანახმად, საქართველოს ტერიტორიაზე იყოლიოს თვისი ეპისკოპოსი; რომ საქართველოს ეკკლესია დღეს უკვე ტერიტორიულ—ავტოკეფალიურია და ნებას არ მისცემს სხვა მართლმადიდებელ ეკკლესიას იყოლიოს აქ თავისი ეპისკოპოსი, სწორედ ისევე, როგორც თვით რუსთა ეკკლესია არ აძლევს ნებას სხვა მართლმადიდებელ ეკკლესიას იყოლიოს რუსეთში თვისი ეპისკოპოსი.

ზეგნელი.

სამღვდელოების ჯამგირის შესახებ.


სარწმუნოება შეადგენს ხალხის საუნჯეს. მის შენახვისათვის და განმტკიცებისათვის ყოველთვის და ნამეტურ ეხლა ჩვენში საჭირონი არიან კარგად მომზადებულნი მოძღვარნი. მაგრამ რამოდენათაა მალლა სდგას აღმნი განათლებით, რამოდენათაა მას მეტი ტვირთი აქვს საზიდავი, რამოდენათაა მეტი მშრომელია, ამოდენად მეტად უზრუნველყოფილ უნდა იქნეს იგი ნივთიერად.

საიდგან ვიშოვით ეს სასყიდელთ? მღვდელს განათლებულს ვერ მისცემთ ნაკლებს, ვინემ უბრალო მუშა კაცს; უკანასკნელი კი ეხლა 10 მან. ნაკლებ არ იღებს არამც თუ დღეში, თითო პატარა საქმეშიაც. აგრეთვე მენდავითესაც ვერ მისცემთ არა ნაკლებ 7 მანეთისა რაც შეადგენს თვეში 510 მანეთს. ეს თანხა უნდა გამოიღოს ხაზინამ ან და მრევლმა, ორში ერთმა. ხაზინა არ იძლევა და არც იმედია ასეთი გადასახადი მოახვიოს მას თავზე ახლანდელმა მთავრობამ. მაშასადამე ხალხმა უნდა მიიღოს თავისთავზედ ეს ხარჯი. ზოგნი ფიქრობენ ახლანდელი მრევლები, სადაც კი ეს მოსახერხებელი იქნება, შეგვეერთოთ

და ორი-სამი კრებულის მაგიერ ერთმა მღვდელმა და ორი-სამი კრებულის მაგიერ ერთმა მღვდელმა ლიოთა. ეს რომ მოხერხდებოდეს, ამის წინააღმდეგ რა ეთქმის კაცსა, მაგრამ მცირე გამონაკლისის გარდა, ყოვლად შეუძლებელია, რადგან ჩვენი სამრევლონი უმეტეს ნაწილად მთავორიან ადგილებში მდებარეობენ, ერთმანეთზე ძლიერ დაშორებულნი არიან და უგზობისა გამო მღვდელს არ შეეძლება თვის ღროზე აუსრულოს მრევლს ღვთას მსმხურება, რაც გამოიწვევს მწყემსს და სამწყესოს შორის უთანხმოებას და უკმაყოფილებას. უფრო მიზანშეწონილი იქნება, თუ მრევლს დავავალებთ გამოიღოს ყოველწლივ განსაზღვრული გადასახადი კრებულის შესახებ. მაგრამ როგორ დავავალებთ მას ამას ეხლა, როდესაც ძალდატანებითი გადასახადი უკმაყოფილებას ბადავს? რა ზომები გვაქვს ჩვენ სასულიერო პირთ, ძალა დავატანოთ ვისმეს? ერთად ერთი საშუალება მღვდლის გაუმწესებლობა არის.

ხალხმა უნდა შეინახოს სამღვდელოება. ხაზინამ რომ მისცეს სამღვდელოებას ჯამგირი, ისევე ხალხს არ გადაახდევინებენ იმ ჯამს, რაც დასჭირდებათ ამისათვის? უპირატესობა მრევლისაგან პირდაპირ მიკემულს ჯამგირს უნდა მისცეს კაცმა, ვინემ ხაზინიდგან მიღებულს, ვინაიდგან სამღვდელოება ხალხს, როგორც თავის მსაზრდოელს უფრო დაუახლოვდება და მის მოთხოვნების დაკმაყოფილებას ღროზე და დაუზარებლად ეცდება. მაგრამ როგორ უნდა მოეწყოს ეს საქმე? ეხლა არის შემოღებული არჩევნებითი წესი. მღვდელის, მენდავითნის ადგილი როცა იცლება, მოთხოვნელი მიმართავენ ხალხს სამრევლო საბჭოებს, ისინი ახდენენ სამრევლო კრებებს და ამ კრებებზე აირჩევენ იმას, ვინც ნაკლებ ჯრდოს დაჯერდება.

ყურადღებას კანდიდატის ღირსებას კი არ აქცევენ, არამედ სასყიდლის რაოდენობას ვინც უფრო ცოტას მოითხოვს, იმას აძლევენ უპირატესობას. რასაკვირველია, თუ ასე გავგრძელდა დიდხანს, ჩვენ მომავალში გვეყოლებიან ყოვლად უღირსნი პირნი, ვიცით, თბილისის სამიტროპოლიტო საბჭოს



გადაუწყვეტია თანდათან გაატაროს ცხოვრებაში განსაზღვრული გადასახადი მრევლის მხრივ კრებულის შესანახავად: მღვდლისათვის არა ნაკლებ 200 მანეთი. მეღვინეთნესათვის არა ნაკლებ 130 მანეთისა თვეში. თუ ეს თოგორმე განხორციელდა, დიდად სასიამოვნო იქნება. ეს ჯამაგირი არც ისე დიდაა. თუ კი ესლა უბრალო მუშას 10 მანეთ ნაკლებ ვერ ამუშავებ, რა დააშავა მღვდელმა? ნუ თუ 300 მანეთის მაგიერ მას არ ეკუთვნის 200 მან. თვეში; აგრეთვე 130 მან. მეღვინეთნეს. მხოლოდ ასეთი სასყიდელი კრებულისათვის შემოღებული უნდა იქნეს ერთბაშად მთელ საქართველოში და არა მარტო თბილისის სამიტროპოლიტოში. მაგრამ ჩვენ და სამწუხაროდ მოძებნებიან ისეთი სასულიერო პირნი, რომლებიც პირიქით წინ ეღობებიან აღნიშნულ პროექტის განხორციელებას. ჩვენ გავიგეთ, რომ ერთ სამრევლოში დაკლილა მღვდლის ადგილი. აურჩევიათ ვინმე მღვდელი და დასამტკიცებლად განაჩენი სამიტროპოლიტო საბჭოსათვის გამოუგზავნიათ. სამიტროპოლიტო საბჭოს დაუმტკიცებია არჩევნები, მხოლოდ მიუწერია სამრევლო საბჭოსათვის შეეკრიბნა მრევლი და გამოეცხადებია: მღვდელს თქვენგან არჩეულს ვამტკიცებთ, მხოლოდ სამსახურისათვის მაშინ გამოცხადდება, როცა მრევლი მღვდლისათვის ჯამაგირად თვეში გადადებს 200 მან. მეღვინეთნესთვის 130 მან. და გარდა ამისა, ორივესთვის შესაფერი ბინები იქნება მომზადებული მრევლი შეიძლება არ შედგებოდეს და წინადადების წინააღმდეგობას არ გამოიჩინდა, რომ მისი მომავალი მოძღვარი მისულიყო და არ შეთანხმებულიყო სამიტროპოლიტო საბჭოს დაუკითხავად და მის წინააღმდეგ დაჯერებოდა გაცლებით ნაკლებს. რის შემდეგ სამრევლო საბჭომ მოახსენა სამიტროპოლიტო საბჭოს: ჩვენ ვიცით და ჩვენმა მღვდელმა, ჩვენ თვითონ მოვრიგდებით და გთხოვთ, მოძღვარს ჩვენგან არჩეულს ნება მისცეთ თავის დროზე გამოცხადდეს მრევლში და ჩვენი რელიგიური მოთხოვნილება დაგვიკმაყოფილოს. სამიტროპოლიტო

საბჭო მინც მაგრად სდგას თავის გადაწყვეტილებაზე, როგორც გადმოგვცეს, მაგრამ კარგი არ არის, რომ თვითონ სამღვდელოება ხელს უცარავს სასულიერო მთავრობას, ეღობება ამისთანა კეთილ საქმეში.

ბაჯითელი.

მორწმუნე ქართველ ერს*)

წარსული წლის სექტემბრის ჩვიდმეტს, სრულიად საქართველოს საეკლესიო კრებამ, მშობელ ეკლესიის დასაზავიანებლად, როგორც უკვე ვიცით, უყარა კენჭი კათოლიკოს-პატრიარქის ორ კანდიდატს: ა. განსვენებულს უ. კირიონს და ბ. ტფილელ მიტროპოლიტს ლეონიდს. კენჭების შემოწმებამ გამოარკვია, რომ კრებამ კათოლიკოს-პატრიარქის ორივე საპატიო კანდიდატს სრული ნდობა გამოუცხადა თერთ კენჭების მხოლოდ უმნიშვნელო რაოდენიმის განსხვავებით და ამნაირად ორივე კანდიდატი გათეთრდა... დღეს, როდესაც მშობელ ეკლესიას და მორწმუნე ქართველ ერს მოულოდნელად თავს დაგვატყდა მდგომარე მწუხარება, ზოგადი თვალსაზრისით საქირთა ყოველივე ამას ანგარიში გავუწიოთ გონივრულად... კანონიერი და სანართლიანი იქნება, თუ ჩვენი მორწმუნე ერის და სამღვდელოების წარმომადგენლები იმ ნდობის დასადსტურებლად რომელიც წარსული წლის სექტემბრის ჩვიდმეტს კრებამ გამოუცხადა კათოლიკოს-პატრიარქის მოსაყდრეს და კანდიდატს ტფილელ მიტროპოლიტს ლეონიდს, ახლავე აღიყვანდეს მას სრულიად საქართველოს საკათოლიკოსო კათედრაზე.

მესხელი.

*) ამ მიმართვის დაბეჭედისთანავე რედაქცია მოაგონებს მკითხველებს, რომ მან აღძრული საკითხისაგამო უკვე გამოსტქვა თავისი აზრი „ახ. სიტყვის“ მეტბრე ნომერში.



პრაქტიკა თუ ტაქტიკა?

ბევრი უღირსი მღვდელ-მსახურია გამწე-
სებული ჩვენში, არ შესაფერ აღვილზედ,
ძველ სასულიერო მთავრობისაგან. ამაზედ ლა-
პარაკიც კი მეტია... წარსული წლის 12 მა-
რტიდან კი სრულიად დაიშვებულნი ვიყავით,
რომ საქმე თანდათანობით გამოსწორდებოდა
და უღირს, არაკეთილ-საიმედო პირთა გამ-
წესებას ჩვენში აღვილი აღარ ექნებოდა; მა-
გრამ ჩვენი იმედი იმედოდ დარჩა და საქმით
სულ სხვას ვხედავთ. კერძოდ ურბნისის ეპა-
რქიაში არსებობს ასეთი სისტემა: დაიცლება
თუ არა რომელიმე სამრევლოში მღვდელ-მსა-
ხურთა აღვილი, იგზავნება იქ. დროებით,
ღვთის-მსახურებისათვის მთხოვნელთა რიც-
ხვიდან რომელიმე, წინასწარ გამოუკვლევებლად
და გაუფრთხილებლად, თუ როგორია ეს პირი
ცოდნა-ზნეობის მხრივ. მიდის ასეთი პირი
დანიშნულ სამრევლოში, სადაც რჩება სამი-
ოთხი თვე; ამ ხნის განმავლობაში, უქვ ელია,
იგი კარგად ეცნობა მრევლს, იქვეა ყოვე-
ლისფერში ზომიერად და თავ-დაქერილად;
ხალხს პირობით ეკვრის, გარდასახადის მხრივ,
სხვა და სხვა შეღავათიანი პირობებით და ამ-
ნაირად იმზადებს ნიადაგს, რომ მრევლმა ის
აირჩიოს და, ასეც ხდება: არჩევნების დროს,
ხალხი ერთხმად ირჩევს ასეთ პირს, რაც გინდ
უღირსი იყოს და ღირსეულ საპატიო პირთა
კანდიდატურას ხსნიან; არჩევნების ხელმძღვა-
ნელის რჩევა-წინადადება და მეცადინობა
ულონო ხდება ასეთ პირობებში. რაღვინიმე
ამისთანა მაგალითს უკვე ჰქონდა აღვილი და
თუ მომავალშიც ასეთი სისტემა პრაქტიკაში
დარჩა, ხსენებული ეპარქია, მოკლე ხნის გა-
ნმავლობაში, გაივსება ქურუმ-მოხელე მსახუ-
რებით; ხოლო მოწოდებით და ცოდნა-განა-
თლებით აღქურვილნი მწყემსნი მუდამ გარი-
ყულნი დარჩებიან. ეს მეტად სამწუხარო მო-

ვლენაა, ამას ანგარიშს უნდა უწევდეს ჩვენი
შეგნებული საზოგადოება. საქიროა, ურბნი-
სის საეპარქიო საბჭომ ამ მოვლენას შესაფე-
რი ყურადღება მიაქციოს და დროზედ გააუ-
ქმოს ასეთი უვარგისი სისტემა. ვისაც აქვს
ყურნი სმენად ისმინენ!

მესხელი.

რედაქციისაგან პატივცემულ თანამშრო-
მელ მესხელს რედაქცია არ ეთან.:სავსებით ღვი-
ნოც, წყალიც, ქამაც და სხვაც მარგებელია
ზომიზე მიღებული და თავის ღროზე და და-
კვირვებით. დემოკრატიზმის პრინციპმაც არ
უნდა აგვიბას თვალები. მოუშინდებელ ხალხს
საქიროა დავუსახელოთ სასარგებლო კანდი-
დატები. ხვენ ვხედავთ, როგორ ირჩევენ და
მეორე ღღეს პალტრის ცემით აგდებენ სო-
ფლებში კომისარებს, ჩავუკვირდეთ კარგათ
ამ ფაქტს. ამისათვის კარგი წესი შემოულიათ
ურბნისის ეპარქიაში, თუ ეპარქიის მთავრობა
თავისუფალ სამღვდლო აღვილზე გზავნის
დროებით ერთ ერთ საუკეთესო კანდი-
დატს წესების და ღვთის მსახურების ასასრუ-
ლებლად. ხალხი იმ ღღესვე ხომ ვერ აირჩევს
მღვდელს როცა აღვილი დაიცლება. ხშირად
ვერც კი შოულობს ხალხი სამღვდლო კან-
დიდატს ამ შემთხვევაში ეპარქიის მთავრობა
მოვალეა მიუთიოოს კანდიდატზე. რაც შე-
ეხება იმის მტკიცებას, რომ საეპარქიო მთა-
ვრობა მინცა და მინც უღირს კაცს გაგზა-
ვნის მრევლში დროებით მღვდლად და
ეს უღირსი თავის უღირსებით მოახერხებს
ხალხის გაღაბირებასაო, ეს აზრი ყოველად
მიუღებელია. ექრობა და მორიგება საკანდი-
დატო მღვდელსა და მრევლს შორის თუ სწა-
რმოებს, ეს უნდა გამოაშკარავდეს ხოლომე.
აი მისი წამალი. ამას გარდა ეპარქიის მთა-
ვრობას, თუ ნდობის ღირსია, ზოგიერთ შე-



მთხვევაში კდეც უნდა მივანდოთ ზოგიერთი საქმეების გადაჭრაც, თუ არა და უნდა გადავაცენოთ და უფრო ღიხსეულნი დავაცენოთ. მაგრამ ასე ძალიან, გვგონია, ვერც მესხელი დასდებს წუნს ურბნისის ეპარქიის მთავრობას.

მისაბამა მაგალითი.

ცნობილმა საზოგადო მოღვაწემ, ქართულ სცენის მუშაკმა და მამულიშვილმა იოსებ (სოსო) გიორგის ძე ივანიძემ ამ დღეებში შემდეგი წერილობითი განცხადება გადასცა თბილელ მიტროპოლიტს ლეონიძეს:

„ვინაიდან ჩემი ნატვრა იყო, მენახა ჩემი ერთი თავისუფალი, ზე აღმდგარი, განახლებული, და ეს ნატვრა ჩვენდა სასახლოდ და საბედნიეროდ უკვე აღსრულდა; ვინაიდან იმ თავიდან შევსტრფოდი მშობელ ეკლესიის მონობიდან განთავისუფლებას, აწ ესეც ვიხილე; ველარ ვფარავ და საჯაროდ ვამბობ, რომ ჩვენს თავისუფლებას დიდი და მრავალი დაბრკოლება ელოდება წინ და ამ გვარად ფერხდება ყველა ახლად დაწყებული საქმე. სხვათა შორის უსახსრობის გამო შებორკილია ჩემთვის სათაყვანებელი ქართულ ეკლესიის და მის მგალობელთა გუნდის საქმე.

გალობა,-ეს უდიდესი მადლი, რომელიც მორწმუნე ათამიანს სულსა და გულს უკეთილშობილებს; გალობა ეს საუკეთესო საშუალება, რითაც მიწიერი ზეციერს უახლოვდება; ამ გალობის ასაყვავებლად ჩემის მხრივ ყოველ თვიურად, სანამ ცოცხალი ვარ, ვაღივრავ ჩემს თავს გადავიხადო ასი მანეთი და უკეთეს პირობებში—მეტეც. იოსებ გიორგის-ძე ივანიძე“.

ვისურვებთ, რომ „ჩვენს სოსოსა, როგორც სამართლიანად უწოდებს ქართველი საზოგადოება ბ. ივანიძეს, ბევრი და მისებრ

უანგარო მიმბაძველი გამოუჩნდეს ქართველ საზოგადოებაში. მით უფრო ძვირფასია ბ. ივანიძის შემოწირულება, რომ იგი სწორედ ნატეხია მისი ლუკმისა, საგრძნობი ნაწილი მის პირადის შრომის სასყიდლოსა და არა ზედმეტი გროში, რომელსაც ზოგიერთი შეძლებული ზემით აძლევს სარეკლამო საქმეებში იაფის სახელისათვის.

ი. აგ.

✓ ქრონიკა.

გადაღების სენი. ამას წინელ ქუთაისში მოხდა, როგორც ვწერდით, კრება ტფილელ მიტროპოლიტის გადასაყენებლად. ასეთივე საბუთებით და ლოლიკით ადპუტკონი პირნი ტფილისშიაც აღმოჩნდნენ. მ ივლი ს შეკრებილან მ. ზაქარია ლუკაიანის (დღეს კი ლუკაშვილის) თაოსნობით დეკანოზები (მგონია ყველა დეკანოზები: იოილ გამრეველოვი, კობაიძე, ზამახოვი, მათიკოვი და სხვანი და, ანაზდგულად აღტყინებულთ საქართველოს რესპუბლიკისა და საქართველოს ავტოკეფალურ ეკლესიისადმი გულმზურვად სიყვარულით მოუთხოვრათ, რომ ღადგან იგი [ორის გარდა] უადგოლოდ არი და დგაწლიც მიუძღვისთ სამშობლოსა და ეკლესიის წინაშე, ამისათვის საქართველოს ჯ რში დღემდის გამწესებულა მღვდლები გადაყენებულ იქმნენ და მათი ადგილები ჩამოუჭიდდეს ადნიშნულ კრების მონაწილეთ, ხოლო კრების ინიციატორ მიეცეს უპიზატესი ადგილები... როგორც დან დგვილებით ვიცით, კრების ზოგ მონაწილეთაგანს თავისს „ღვალია“ გამო აკრძალუდიც კი ჰქოსდათ მღვდელ მოქმედებ, მამდის და მღვდელობიდან მკადვიონის ადგილზედაც კი იყვენ ჩამოყვანილნი..

21—23 ივლისს ურბნელმა ეპისკოპოსმა დავითმა იწა შლა სურამის რაიონის ეკლესიები და სწირა იტრიისა და სურამის ეკლესიებში. ხალხმა გულდასმით მოისმინა წირვა და უფრო კიდევ ქადაგებანი ეპისკოპოსისა.

ამ ბოლო დროს ეპარქიებში სოკოსავით მრავლდება დეკანოზობის, ენქეტით და სხვა ნიშნებით დაჯილდოვებულთა რიცხვი. დაჯილდოვებულთა რიცხვის მიხედვით საქართველოს დამოუკიდებელი ეკლესია ჩქარის ნაბიჯით მიეჭანება, წეტავი საით?..

გამომცემელი ქ. ტფილისის ამღვდლოვება. „ახალ სიტყვის“ სარედაქციო კოლეგიის რწმუნებული დეკ. ქრ. ციციშვილი.